

道元卷之一百二十八

<p> 如奏三清九宸及祖师，随意改易详用。 具位臣姓某，诚惶诚恐，稽首顿首，百拜 谨奏。为入意，丐为请降甘雨事。臣既奉来词，不容抑塞，须至录状奏 闻者。 右臣某谨谨具状，百拜上奏 昊天玉皇大天尊玄穹高上帝玉陛下。恭望大道天慈，允臣所奏，特降 勅命，下三省，播告日月二宫，南北二斗，天罡河魁，诸天星宿，应系隶劫运雨暘去处，及神霄玉府雷霆都司，委遣雷主欵火律令大神邓某，猛吏大都督辛某，五雷飞捷使者张某，雷公江赫冲，电母秀文英，雨师陈华夫，风伯方道彰，云吏郭士秀，五方蛮雷社令等众，岳渎山川，溪源潭洞，城隍里社，某州分龙王，当岁行雨龙神，定限今月某日某时，下赴雷坛，听臣召集。激发阳声，翻江倒海。倾盆霖雨，以救焦枯。大施三日之霖，苏醒万民之命。昆虫草木，俱被天恩。干冒天威，伏祈宽宥。臣某诚惶诚恐，稽首顿首，百拜上奏以闻。伏候勅旨。谨奏。 年月日具位臣姓某状奏。 具位姓某 谨申为入意。某既奉来词，不容抑塞，除已飞奏金阙帝陛，颁行 勅旨，督遣雷神行雨外，须至申 闻者。 天罡大圣主雷真君， 河魁大圣主霆真君圣前。恭望 圣慈，允今申恳。伏乞斡旋造化，升降阴阳。运五行正炁之威，行三界雷霆之令。先施煞炁，掩蔽阳光。吹倒天瓢，苏生民命。剿除旱魃，馘灭淫祠。鞭雷霆行雨之龙神，督法部受差之帅将赴坛听令，以显天威。绍袭宗风，阐扬教法。某干冒圣威，下情无任惶悚俟命之至。谨状。 年月日具位姓某状申。 具位臣姓某诚惶诚恐稽首顿首再拜 谨奏为入意，丐为请祷雨泽事。臣某既奉来词，不容抑塞，除已具奏帝陛，请降 勅旨外，须至奏 闻者。 右臣谨具状，冒罪再拜上奏 中天大圣北斗九皇都统帝君阙下，恭望圣慈，允臣所奏，特颁 睿旨，下雷霆都司，委遣雷霆主帅邓某，副帅辛某，使者张某，雷公电母，风伯雨师，入将名。定限今月某日某时，赴坛听令。激发阳声，倾盆霖雨，救济焦枯。仍祈告闻天罡主雷真君，河魁主霆真君，及诸天星宿，疾速升腾地煞，掩蔽阳光，剿除旱魃，馘灭淫祠。大施三日之霖，以慰九秋之望。上彰教法，诱化群迷。干冒圣威

。臣下情无任俟命之至。谨奏。 年月日具位臣姓某奏 司额 当司今据入意， 匄为祈祷雨泽， 救济旱伤事。 本司领此来情， 事干利济， 曷敢抑违。 特以今月某日开辟旷野， 建立雷坛， 排列卦象， 分布方隅， 戏事之初， 合行牒请威光， 扫清坛界， 荡涤妖氛。 环会雷兵， 遵承 帝命。 阐宗风於遐迩， 沛甘澍於须臾。 仍仰统率本部吏兵， 雷霆诸司帅将， 风云雷雨电神， 五方蛮雷使者， 九州社令康刘吕殷四将， 某州分野龙王， 当岁行雨灵祇， 城隍里域庙貌之众， 岳渎山川， 湖海潭洞龙神， 疾速施行。 定限於今月某日某时， 不俟 帝勅， 火急领众率兵， 一合下赴召雷天坛。 预升地煞， 蒸雨掩曦， 布风屯云， 鞭霆掣电， 大发扬声。 普施雨泽， 遍满大田 ‘， 苏生品物。 即仰告谕， 当处土地里域庙貌等神， 如法检窍。 但有旱魃淫祠， 随即申举， 划时剿戮， 毋得妄生阻遏。 急如星火， 速为奉行。 仁俟感通， 以为效信。 须至牒者。 右牒上 雷霆邓辛张三大天君， 请 照验。 谨牒。 年月日时牒。 具法位。 司额 当司今据入意， 除已具奏 天阙， 申闻合属， 遍牒雷神外， 合行移文， 委请雷威， 部领各部将兵官属， 统辖氏阳院妖雷社令上坛九将， 下坛九神， 九州社令主者， 某方旺气白虎大煞流火凶星， 雷霆四箭， 本境庙貌主者等神， 疾速奉行定限於今月某日某时， 来赴召雷天坛听候。 今发合同符命， 屯云起煞， 蒸雨掩曦。 即时大倾雨泽， 激发阳声。 电掣金蛇， 风摧木拔。 剿除旱魃， 馘灭淫祠。 以救焦枯， 普苏生命。 有功奏闻 帝陛， 进补仙阶。 如或有违， 天条无宥。 须至牒者。 牒具如前事。 须牒 社令主帅康元帅， 社令副帅刘元帅， 九州社令直符吕使者， 请 照验。 谨牒。 年月日时牒。 具法位姓某押。 司额 当司今据入意。 除已飞奏 天阙， 申闻合属， 遍牒雷神外， 合行移文。 委请威光， 火急速於今月某日某时统辖当岁年神月将， 合干官属， 会合雷霆四箭， 流火白虎， 社令蛮雷等神， 来赴某位太岁雷霆大煞方。 不候当职登坛， 先行涌起漫天之黑煞， 遍施匝地之阴云。 翳郁坛界， 奋迅雄威。 剿除旱魃， 馘灭淫祠。 大发阳声， 普施雨泽。 上彰 天令， 下慰民心。 急如星火， 毋致稽停。 稍违帝命， 天律非轻。 事遂功成， 不忘大德。 须至牒者。 天心地司太岁殷元帅 照验。 谨牒。 年月日时牒。 具位衔姓某押。 发合同符申发奏文后，

牒催张使者。司额 当司昨据首愆请雨下民某等，入意。得此建立天坛，奉行牒符，委遣雷神，杳无通感。今已临期，未见云翳阴浓，愈睹亢阳炽盛，南熏扇埃，田畴旱极。除已飞奏帝廷，请颁息命，遍告雷霆三省，神霄九宸，日月二宫，南北二斗，诸天星宿，魁呈大神，法振师真，咸祈照应，及行移合属去处，咸令知会，遵奉施行外，所合再牒，催请威光，火急部领本部将兵，诸司帅职，社令雷神，地司太岁。统辖风云雷雨电神，五方蛮雷使者，某州分野龙王，当岁行雨威神，城隍主者，土地正神，但系所属庙貌灵祇，下赴天坛，森列听令。疾速传命，稟请邓辛主副天君，务要钦承帝勅，克日应期。屯云掩曦，腾煞蒸雨。鞭龙震霆，兴风掣电。滂沱三日，喜慰兆民。仰体大德之好生，拱俟轰雷之鼓物。济人功大，风火不停牒至，准教疾速奉行。须至牒者。先天一炁捷疾报应张使者 照应。谨牒。年月日时牒。具法职姓某押。

司额 当司昨据投词，入意。除已於今月某日某时飞奏帝陛，降勅颁恩赦愆外，已行备牒捷疾报应火雷张使者，为是事逼时临，未蒙昭报，所合再行备牒，催请神威，火急统领本部将兵，会合前差使者，稟请主帅欵火律令邓天君，一合下赴天坛。总率诸司官将吏兵，部领风云雷电雨部，五方蛮雷使者，社令康刘吕三帅，及天心地司太岁殷元帅，分野龙王，行雨部从，城隍里域一切灵祇，一同协力，火急下升地气，上布浓云。掩蔽阳光，郁蒸雨意。定限於今月某日某时，辩合符章，宣传雷令，大发扬声。普施甘泽，苏生庶类，救济枯黄。上彰霹雳之威，下副虔恭之恳。阐扬化雨，流演宗风噬嗑乃亨，天雷无妄。须至牒者。铁笔注律大神都督辛天君 照应。谨牒。年月日时牒。具法位姓某押。

司额 当司昨据投词，入意。除已於今月某日某时飞奏帝陛，降勅颁恩外，亦行二次催请火雷捷疾报应张使者，都督辛天君去后，为是限期已至，杳无灵通，合行再牒，烦请威光，火急部领本部将兵，会合火雷张使者，都督辛天君，一合宣威协力，下赴天坛。总率诸司官属，风飞雷厉，星奔电驰，辩合符章，克期昭报。统辖风云雷电雨部，五方蛮雷使者，社令康刘吕一干雷神，地司殷元帅，分野龙王，行雨部从，城隍里域灵祇，疾速整排云阵，严驾雷车，发辉电光，酝酿雨意。

闭收日影，迅发风威。剿除魃孽，剪绝妖霓。大施鼓物之雄声，广布好生之至德。滂沱三日，喜慰兆民。牒至，准勅星火奉行。须至牒者。

欵火律令雷主邓天君 照验。谨牒。 年月日时牒。具法位姓某押。

司额 当司恭准 太上教法所授符章，依按奉行。号召雷霆诸帅，仰遵帝命，疾速钦承。昨据入意。除已飞奏 金阙上帝，告盟三界，申闻合属，遍牒雷神外，定限於今月某日某时，大施雨泽，普济焦枯。克日应时，明彰捷疾昭报。除外，合行预备符檄，遍告雷神，速出宫庭，听 令行雨，便宜施行。 右檄谨请雷首邓夔，霆首辛汉臣，火雷张珏，雷公江赫冲，电母秀文英，风伯方道彰，雨师陈华夫，云吏郭士秀，五方蛮雷使者马郁林、郭元京、方仲高、邓拱辰、田元宗，社令杨、孙、洪、朱、马，洞神庞灵、刘通，神烈苟俊、毕獬，灵官马腾，白蛇大将马冲，玄坛赵朗，黑虎大神皮明，馘魔关羽，地祇温琼，社令康尧、刘德、吕魁、殷郊，辖起流火凶星阎世冲，白虎凶星丁文仲，雷霆四箭昌ア(10)浚蟆(18)戾□、马自真等，及社令上坛九将，下坛九神，氏阳院蛮雷，某州分野龙王，当岁行雨龙神，城隍主者，当处里域灵坛社庙等神，各各遵承帝命，辩合符章，速出雷宫。各离所治，整排队仗，率领吏兵，定限於今月某日某时，斡旋造化，会合阴阳。不候登坛，捷疾报应。屯云蔽日，鞭龙雷霆。掣电呼风，翻河倒海。大施甘澍，普济焦枯。霖三日以为期，庶九秋而可望。急急火令，闻召即行。 天律非轻，故兹以檄。 年月日时檄。具位。 祖师火师真君炎天上帝注#1， 九天雷祖大帝， 金阙玉皇上帝， 绿水清波湛湛清，千钧斧刃背头轻。 傍河柳树风吹倒，抱着嫦娥也不惊。 轻时轻似空中尘，重时重似千斤铁。 红时红似猩猩血、白时白似天上雪。 织女四哥，勾娄吉利，登僧得色。急急如律令。 乾宫生子艮宫神，吾是雷公济世人。 奉请五雷施雨泽，击搏阳雷百万声。 阿香公，阿香公，除代除代。 玉皇亲勅令，召汝出雷宫，要汝逞威雄。急急如律令。 司额 当司今据入意。除已飞奏 金阙帝陛，遍闻合属真司，牒委雷霆，统辖诸帅，兴云致雨，普济焦枯，即目愈见亢阳为雪。诚恐早魃为妖，五酉天虹淫祠妖社遏塞风雨，不能救生，有妨请祷，所合檄请神威，火急严驾夔龙，流金火铃，上闻 帝聪，

请颁命令，遍周三界，普及五天，扫除万里之罡风，密布九霄之甘泽。剿除旱魃，剪绝虹霓。火急搜括拦截风雨妖邪，便宜究治。必使上合天心，下慰民望。特与传命，转催雷首邓某，霆首辛某，火雷张某，统辖合干诸司帅将，社令雷神，及岁分行雨龙神，某州分野龙君，山川潭洞溪谷灵祇，城隍社庙里域等神，疾速应期，调理阴阳。督催雷电，屯合浓云。大施骤雨，苏生万汇。诱化群迷，仰体 太上好生之仁。仁以御物，宽以养民。 同立殊勋，除害兴利。速即前驱云路，普扫不祥。檄移风雨於他方，苏救焦枯於此地。大彰显应，星火奉行，须至符檄者。 符位。 三界五天大魔王，火急遵承 帝命，一一依上奉行，仰体太上以好生，同秉仁慈而恻隐。急急前驱，故兹以檄。 年月日时檄。 具位。 祖师火师汪真君， 九天雷祖大帝， 北极紫微大帝， 南极天皇大帝， 昊天金阙玉皇上帝。 具位臣姓某诚惶诚恐，稽首顿首，再拜谨奏：为入意。首愆谢恩，请雨下民。某等入事。须至录状奏闻者。右臣某谨谨百拜，冒罪上奏 昊天金阙玉皇大天尊玄穹高上帝玉陛下。恭望大道天慈，允今所奏。肆颁 勅命，付雷霆三省，转闻神霄九宸，日月二宫，南北二斗，天罡河魁大圣，法派历代师真。雷霆赖以威神之力，诸司侍其枢辖之权。俱效忠勤，皆由旋斡。次祈旨，下雷首邓某，霆首辛某，火雷张某，雷公江赫冲，电母秀文英，风伯方道彰，雨师陈华夫，云吏郭士秀，五方蛮雷使者马郁林、郭元京、方仲高、邓拱辰、田元宗，社令杨、孙、洪、朱、马神#2、洞神庞灵、刘通，神烈苟玠、毕獬，灵官马胜，白蛇大将马冲，玄坛赵朗，黑虎大神皮明，馘魔关羽，地祇温琼，社令康尧、刘德、吕魁、殷郊，辖起流火凶星阎世冲，白虎凶星丁文仲，雷霆四箭昌ア(10)浚螟(18)戾□、马自真，及城隍土地里域大小等神，各承策役，实有勤劳。合与保升，验赏较功，迁阶锡爵。伏乞原赦投词某人，及本境居民，种种积愆，曲从释雪。仍冀原宥臣某戒律不严，书篆弗谨，诃斥星辰，指挥帅将，多诸罪戾，咸丐好生，削其疏慢之尤，恕以褻渎之咎。庶使风雨调顺，世道清宁。臣某下情无任诚惶诚恐，稽首顿首，再拜以闻。伏候 勅旨。 年月日具位臣姓某状奏。

司额 当司昨据某人等词，称入意。本司领词难抑，除已於某月某日建

立召雷天坛节次，符檄雷神，请施甘雨，某日飞奏 金阙帝陛，申闻合属真司，立限今月某日某时为期，兴云致雨，掣电轰雷，已沐三日之甘霖，满慰万民之徯望。所有雷霆诸司帅将，实负劳勤，应期昭报。择取今月某日良辰，具状飞奏帝陛，申闻省府师真，颁恩迁赏外，合备牒照验，以后如遇三元五腊天司一应较功之日，率领元行合干官属，执此参照，请膺天爵，升进仙阶，懋集殊勋，重加优赏。后有祈祷，大彰感通。须至牒者。右牒上 雷首欵火律令炎帝邓天君， 霆首负风猛吏银牙耀目辛天君， 火雷飞捷报应使者张神君，请 照应。谨牒。年月日时牒。具法位。 具位臣姓某诚惶诚恐稽首顿首再拜。 谨奏臣某滥参 法策，誓丕阐於宗风夙契 道缘，敢代宣於 帝命，深愆积有寸善，眇无臣谨奏为入意伏为本境入夏以来，或秋初中，或末旬，阴雨频并，日久淋漓，民心是惧，禾稼渐伤，叩臣祈晴事。奉词难抑，除已於某日按行符章，累命雷神，即今云气愈阴，雨声转骤，不避天诛，谨录诚悃。具状奏 闻者。右臣某谨谨具状，上奏 昊天金阙玉皇大天尊玄穹高上帝玉陛下。恭望大道天慈，允臣所奏，肆颁 勅旨，付雷霆三省，先与正天分度，赦过宥愆。宣告太阳九阳君，祈遣九斗阳芒流金火铃大将，暨雷霆邓某辛某张某，诸部雷神，定限於今月某日某时封潭锁海，止雨禁龙，敛雾收云，开天耀日。庶禾稼计丰登之兆，俾品物蒙长养之仁。式副祷祈，大彰感应。上冒 天威，下情无任俟命之至。谨状。年月日具位臣姓某奏。 具位臣姓某 谨奏，为入事。伏为冬行春令，阳孕阴胎，杳无片雪之飞，曷有阴云之气。天地否塞，阴肠失和。若非三白呈祥，恐致万民疾疫。叩臣祈雪事。奉词难抑，除已於今月某日按行符章，累遣雷神，并无通感。由是不避谴责，谨录状奏 闻者。 昊天至尊金阙玉皇大天尊玄穹高上帝玉陛下。恭望 大道天慈，允臣所奏。先祈 赦宥臣僭渎之罪，肆颁 勅旨，付太阴月府，九霄玉清府，应干掌隶冰雪去处，祈遣东灵上相瑞光仙师，六华玉灵使者、散花玉女，主雪将军，回风结云使者，暨雷首邓燮，霆首辛汉臣，火雷张珏，定限於今月某日某时，大彰 感应。速命霎华剪水，散为大地祯祥。酝酿丰穰，消除疫疠。上副 帝心，下符民望。干冒 天威，臣某下情无任不胜战栗俟

命之至。谨奏。年月日具位臣姓某状奏。 #1『注』当作『汪』，火
师汪真君，为王文卿之师，雷法祖师之一。 #2『神』字疑衍，卷内《
号令雷神出官檄文》，正作『杨、孙、洪、朱、马』，无『神』字，五
字系五方社令姓氏。 </p><p></p><p><a href = "/pdf/3988-道元卷之一百二十八.pdf" rel=
"external nofollow" download="3988-道元卷之一百二十八.pdf" t
arget="_blank">下载本文pdf文件</p>